

بأحبك

بأحبك

كلمة ف لساني..

أقولها بصوت..

ومن غير صوت

أقولها.... لو هاقولها وأموت

ولو خُص الكلام مني

يُكَمَل قولها وجداني

بأحبك حتى لو قلبي...

نسي أنه يدق ف يوم

ومن دقاته عاش محروم

يدوب رقه.... يادوب دقه....

وميت دقه...

بيفتكر وينساني!

بأحبك



همسه ف وداني
أقولها لك يوماتي كمان
وأحلي نبض شرياني
بعيش علشانه كل آوان
كلام الحب مخلوق لك ...
وموصوف لي...
أعيش جنبك
يا أجمل نسمة ف زماني

أنا لو يوم اغيب عنك
تسيبني الروح وتساني
تناديني.... وتحكي لي
وصوتك همس ف وداني
وعشوقك نار
يصحّي ربيعي وكياني

....